

Minister Winklaar tocante exigencia mavo:

Pasonan huridico contra Colegio Arubano si no ta revoca

ORANJESTAD – E noticia cu Bon Dia Aruba a publica riba 1 di september a basa di un carta di Colegio Arubano pa hisa e exigencianan pa estudiante di mavo, no a cay den bon tera cerca minister di Enseñansa.

Den un carta di 3 september dirigi pa Stichting Middebaar Onderwijs Aruba (SMOA) cu ta e directiva di Colegio Arubano, minister di Enseñansa Michelle Winklaar ta urgi e scol pa revoca e decision. Colegio Arubano a anuncia pa hisa e exigencianan pa estudiante di mavo cu kier sigui havo otro año. Pero segun e minister esaki no ta cuadra cu e palabracionnan haci entre gobierno, Colegio Arubano y tur e scolnan di mavo. Si e scol di havo/vwo no ta revoca, no ta descarta pasonan huridico, e ta skirbi den e carta.

Colegio Arubano kier a introduci e exigencianan nobo e año escolar aki caba (2014/2015) pero a enfrenta protesta fuerte di banda di e scolnan di mavo. Nan ta bisa cu nan studiantenan no ta e causa cu e resultadonan di havo ta menos.

Na prome instancia minister Winklaar no a reacciona riba e cartanan di protesta di e scolnan di mavo contra e decision di Colegio Arubano, pero finalmente a dicidi di instala un comision pa investiga e asunto y bin cu recomenda-



cionnan. Den e carta di 3 september ta menciona tambe cu gobierno ta kere mas den un solucion structural en bes di hisa e exigencianan.

E solucion ta mas inversion den guia di e studiantenan di mavo y un mehoracion di e programa di enseñansa riba ambos scol, pues na mavo y havo.

Problema no ta di awo
E problema di conexion no ta di awor, pero 1998 a introduci un sistema nobo, esta vmbo, (ainda na Aruba ta yama mavo, pero ta compara cu vmbo-tl na Hulanda). For di momento ey e estudio di mavo no ta completa esun di havo y segun e decanonan di mavo esaki ta perhudica e muchanan di mavo. Si Colegio Arubano ta hisa e exigencianan, nan ta haya e

muchanan atrobe ta wordo perhudica y cu nan no ta haya e chens pa logra haya e miho educacion.

Awor ta muestra cu gobierno tambe ta di mesun opinion cu e scolnan di mavo cu hisa e exigencianan no ta e solucion.

E comision cu a haci e investigacion y cu tin como miembro tambe un representante di Colegio Arubano, a conclui cu si ta implementa medida di mehoracion, no tin nodo mas pa hisa e exigencianan pa studiantenan di mavo pa dreña havo.

Minister Winklaar ta enfatisa cu Colegio Arubano tambe mester realiza cu e no ta un scol riba su mes pero ta forma parti di e sistema di enseñansa na Aruba unda tur scol y partner ta depende di otro.

tra cada biah cu kier inverti den un miho guia di alumno y mehoracion di e programa di enseñansa.

Ni miho ta dreña

En caso Colegio Arubano lo hisa e exigencianan pa 2015/2016 ni estudiante cu ta slaag pa mavo cu miho cifra, ta dreña havo.

E minister a duna e ehempel; esun cu ta slaag cu 9 pa Hulandes, 10 pa Ingles, 8 pa Wiskunde, 8 pa Biologie, 7 pa Scheikunde y 6 pa Natuurkunde no ta wordo admiti na Colegio Arubano. "Esaki no por y ta inaceptabel."

Minister Winklaar ta termi-



Segun e minister e meta y responsabilidad di tur scol, pues tambe di Colegio Arubano, finalmente ta 'pa saca e maximo potencial di cada alumno y no pa nenga na porta muchanan cu ta muestra claramente cu nan tin potencial'.

E ta bisa tambe cu gobierno tin e rol di facilita y ta mus-

na su carta cu e peticion pa SMOA ta revoca e carta di 28 di augustus di Colegio Arubano pa cu e exigencianan mas pisa. En caso cu SMOA no ta cumpli, e minister ta laga sa cu como dunado mas importante di subsidio ta haya su mes obliga di evalua pasonan huridico. □